



**Claudii Fleurii Abbatis Historia Ecclesiastica**

Ab anno Christi 1691. usque ad annum 1701

**Fleury, Claude**

**August. Vind. [u.a.], 1781**

**VD18 13322648**

§. 25. Christianæ Religionis libertas Sinensibus cunctis permissa.

---

[urn:nbn:de:hbz:466:1-67627](https://nbn-resolving.de/urn:nbn:de:hbz:466:1-67627)

Sæc. XVII. multu contra Archiepiscopum & Can.  
A. C. 1692. telnum Cardinalem exorto Neapolitanu  
tani duos Legatos Romam decrevere,  
qui Cardinalem e Regno avocari pe-  
terent.

## §. XXV.

*Christianæ Religionis libertas Sinen-  
sibus omnibus permissa.*

*Pufend. in-  
trod. a l'hist.* Quamvis anno priori Bonziorum odio  
*I. 6. c. 2.* ac invidia Catholici in Sinarum  
*Gottfrid.* Regno horrendis suppliciis ac tormentis  
*cont. Hist.* excrucientur, nilque proprius esse  
*Chron. l. 12.* videretur, quam integrum hujus Religionis exterminium, nihilominus tam  
*pag. 446.* men Cang - Hi Sinarum Imperator se semper Catholicis, eorumque religioni propitium exhibebat; hanc animi dispositionem dextre in rem suam vertebant Missionarii Sinenses, præcipue ii, qui, ut memoravimus, post Constantini obitum e Siamensi Regno ejecti ad Sinense Imperium contendebant. Hi ergo Imperatori instantissime supplicarunt, & pro sua in Senatum Sacrum authoritate edicta illa, quæ tempore pupillaris ætatis suæ contra Christianos lata fuissent, abrogari proin Provinciarum Præsides, qui ejusmodi edictis nixi Catholicos dire vexabant, ab insequenda vera fide prohiberet.

beret, plenamque suis subditis liberta- Sæc. XVII.  
 tem Catholicæ Religionis publico de- A.C. 1692.  
 creto sanciret. Ad horum preces Impe-  
 rator hanc quæstionem dilucidari pe-  
 tit: *Utrum Catholicam religionem ad-*  
*optandi libertas Sinensibus esset concedenda?*  
 Id negabant Bonzii, cunctique infide-  
 les, qui cælum terramque movebant,  
 ut Evangelii propagationem præpedi-  
 rent: Thomas vero Pereira e Socie-  
 tate Missionarius ea, qua apud Impe-  
 ratorem gratia valebat, eundem adiit,  
 supplex, ut Imperator coram Regni  
 sui Proceribus, quæ ipsus de religione  
 Catholica sentiret, palam ediceret.  
 Annuit Imperator Missionarii precibus,  
 & congregatis hæc exposuit: „Ipsius  
 „ego Religionis Christianæ præcepta  
 „discussi, & nihil in iis periculofum  
 „inveni: Christiani Deum omnium re-  
 „rum Creatorem adorant, Superiori-  
 „bus obediendum, & Parentes hono-  
 „randos esse tradunt, proximo suo ma-  
 „lum inferre, aut ejus bona vel uxores  
 „concupiscere vetant: in his autem  
 „nihil est, quod Sinensi Imperio no-  
 „xium esse posset, iniquum ergo foret,  
 „si hæc Religio prohiberetur..” Op-  
 posuit quidem ex Senatoribus non ne-  
 mo, Sinensibus probro fore, si relicta  
 veteri religione Europæorum fidem  
 amplecterentur: huic autem responsum,  
 quod

Sæc. XVII. quod juxta hanc sententiam Sinenses  
A. C. 1602 nequidem ab Europæis artem bellicam,  
calculos Astronomicos & instrumenta  
Mathematica addiscere potuissent: re-  
gressit alias ex Bonziis, quod hanc re-  
ligionem profitendi libertate populo  
concessa, totum Imperium exiguo tem-  
pore Catholicum sit futurum: eo me-  
lius, replicabat Missionarius, tum e-  
nim nec rebellionibus, nec factionibus,  
nec latrociniis, nec aliis bestialibus  
actibus nimis frequentibus ultra locus  
erit. Tenuit mutua hæc concertatio  
integrum ferme bimestre: tandem vero  
Missionarii, operam præstante ipso Im-  
peratore, porrecto libello supplici effla-  
gitarunt, ut in universo Imperio Reli-  
gio Catholica per edictum publicum  
approbaretur: Ipse met Imperator huic  
libello ultimam manum admovit, tam-  
que concinne eliminavit, ut a Ri-  
tuum Tribunali, ad quod pro more  
veteri remitti debuit, ratum haberi  
speraret: Die ergo secunda Februarii  
hic idem libellus præfati Tribunalis Ju-  
dicibus exhibetur, hi tamen sine am-  
bage responderunt, standum esse an-  
tiquis Imperii legibus, quibus Euro-  
pæorum Religio interdictur: Hoc re-  
sponso Missionarii velut fulmine tacti,  
coram Imperatore immensum dolorem  
testati sunt, iteratisque precibus tan-  
dem

dem obtinuerunt, ut alterum rursus <sup>Sæc. XVII.</sup>  
libellum offerre permitterentur, quo ad <sup>A. C. 1692.</sup>  
Tribunal remisso Judices die vigesima  
secunda Martii sequens decretum e-  
didere:

„Supremus tribunalis Rituum Præ-  
ses Cupatay & cæteri mecum judices,  
„obedituri Majestatis tuæ mandato,  
„super negotio proposito nostram sen-  
tentiam proferimus.,,

„Nos omnes rem sedulo discu-  
tientes ac examinantes inveni-  
„mus, quod illi viri Europæi in-  
„vitati fama virtutum Majestatis tuæ  
„plura dena stadiorum millia, ac im-  
„mensum prope mare emensi sunt, ut  
„huc pervenirent. Hi vero Mathema-  
„ticæ Præfecturam nunc obeunt, &  
„Astronomiam dirigunt: tempore bel-  
„lorum conflandis machinis gnaviter  
„incubuerunt, missi ad Moschos egre-  
„giam operam sinceramque navarunt,  
„efficients, ut negotium de pace feli-  
„citer concluderetur. Sane illorum  
„merita plurima, & magna sunt; ipsi  
„etiam Europæi, & alii eorum socii,  
„qui in singulis habitant Provinciis,  
„mali nihil omnino operantur, nullas  
„excitant perturbationes. Tartarorum  
„Sacerdotes, uti & Bonzii Sinenses  
„sua habent fana, & permittitur om-  
„nibus, ut illa adeant, & ibi venera-  
„tio-

Sæc. XVII. „tionem exhibeant thura cremantes.  
A.C. 1692. „E contra vero religio Europæorum  
 „( quibus nihil mali imputari potest)  
 „prohibita jam fuit in hoc Imperio.  
 „Quod quidem videtur a ratione alienum.  
 „Par igitur est, ut in omnibus  
 „Provinciis eorum tempa, sicut antea  
 „semper factum est, conserventur, &  
 „omnibus secundum antiquam con-  
 „suetudinem permittatur religionem  
 „Christianam profiteri, & tempa adire,  
 „prohibitione omnino sublata. Hanc  
 „sententiam nostram subjicimus Maje-  
 „statis tuæ arbitrio, ac judicamus, si  
 „ita annuat, eam in omnibus Provin-  
 „ciis promulgandam: Khambii anno  
 „trigesimo primo, luna secunda die  
 „tertia.„

Huic decreto Imperator duos cha-  
 racteres Sinicos apposuit, quorum sen-  
 sus est, *Affentior Consulto*: obtento igi-  
 tur Regis assensu biduo post solemne  
 hoc decretum Peckini in urbe Regia  
 ac per totum Imperium promulgatum  
 & tanquam lex Imperii perpetua pu-  
 blice affixa est, non sine ingenti to-  
 tius Europæ gaudio, & maxima Re-  
 ligionis Catholicæ in Imperio universi  
 Orbis vastissimo stabiendi spe, quæ ta-  
 men exiguo prorsus tempore viguit; Hi  
 enim Missionarii impetratae gratiæ gloria  
 elati, contradicentibus potissimis cetero-  
 rum

rum Ordinum Missionariis, Christia- sœc. XVII.  
nam religionem cum superstitionis at- A. C. : 692.  
que idololatricis ritibus combinare ni-  
tebantur, ex hac autem dissensione  
cum gravissima orirentur mala, & Si-  
nenses majora inde oritura timerent,  
mortuo hoc Imperatore præfatum con-  
cessæ libertatis decretum abrogatum  
est, uti postea recensebimus.

### §. XXVI.

#### *Varadinum majus a Cæsareis ex- pugnatum.*

Post Salankemenianam stragem Mu- *Theatr. Eu-*  
stapha Sultanus tanta obruebatur *rop. p. 232.*  
consternatione, ut suadente Husseyo *tom. 14.*  
Angliæ Legato ad resumendum pacis  
negotium valde inclinaret: E contra-  
rio autem Franciæ Orator propo-  
sita totius Hungariæ subjugandæ fa-  
cilitate ad restaurandum bellum no-  
vos eidem addidit animos. Novus igitur  
Vezirius nomine Halyus olim Mesopo-  
tamiæ Prætor, quotquot poterat, co-  
pias contrahit, Budam, aliasque Hun-  
gariæ arces negligentius custoditas re-  
cuperaturus: Haud segnior in accer-  
fendo stipendiario milite, erat Impe-  
rator, qui etiam a Monasteriensi Epi-  
scopo quatuor, a Dano Rege tria, & a  
Luneburgicis sex armatorum millia  
emer-